

金匱要略

回生

金匱懸解卷十七

內傷雜病

昌邑黃元御撰

腹滿寒疝宿食

腹滿寒疝宿食病之相因者也寒水風木之邪合而賊土土
涇脾陷迫於風水之侵滯塞不通是以脹滿所謂腎氣實則
脹者雖寒水之侮土其中未嘗無木邪也風木上鬱而剋涇
土則爲脹滿風木下鬱而陷寒水則爲疝瘕寒疝者風木之
下鬱於寒水而凝結者也土之所以化穀者火也寒盛火衰
水穀不化是謂宿食宿食既停壅遏中氣變虛而爲實故宜
攻下攻下雖行而其始實屬寒因此三證悉以寒爲病本總

因於少陰之勝跌陽之負也

腹滿一

跌陽脉微弦法當腹滿不滿者必便難兩胠疼痛此虛寒從下

也當以溫藥服之

胠音區脇也

跌陽胃脉在足趺上

卽衝陽也

微弦者肝膽之氣也脉見微弦則

木邪尅土戊土賊於甲木胃逆而濁氣不降法當腹滿若不

腹滿者則甲木不賊於戊土乙木必賊於巳土脾陷而清氣

不升法當便難以脾陷肝鬱不能行其疏泄之令肝膽之脉

行於脇肘若見兩胠疼痛此虛寒之氣從下而上也當以溫

藥服之溫煖水土以舒木氣也蓋木生於水木氣之鬱必生

水寒水位在下木位在左右脇肘之間兩
肱疼痛是木氣之
鬱此必寒水之氣從下而上侵於木位也

腹滿二

寸口脈弦者卽脇下拘急而痛其人嗇嗇惡寒也

跌陽以候陽明寸口以候太陰寸口脈弦者肝木之尅脾土
也木邪鬱迫經氣不舒故脇下拘急而痛 木鬱陽陷陰邪外

束其人當嗇嗇惡寒也

嗇嗇者皮毛振動
戰慄者不宜之意

此申明上章之義

腹滿三

腹滿時減復如故此爲寒當與溫藥

陽清而陰濁清則通而濁則塞中氣痞塞是以滿也腹滿時

全圖解
卷一
減復如故者陽有時而復故減陰有時而勝故復然陰易勝而陽難復是以減不逾時而旋即如故此爲陰勝而內寒非有陳宿之阻隔當與溫藥以驅寒邪也

腹滿四

夫中寒家喜欠其人清涕出發熱色和者善噓

欠者開口出氣靈樞口問衛氣晝行於陽夜行於陰陰者主夜夜者臥陽者主上陰者主下故陰氣積於下陽氣未盡陽引而上陰引而下陰陽相引故數欠中寒之家陰氣下盛招引陽氣引則陽陷而陽性升浮隨引卽升一升一降是以有欠常引常伸故喜欠也緣其陰盛陽衰升氣少而降令多不

必日暮而陰常司權故清涕出者肺氣之上薰也肺氣鬱阻
不得下達則上薰鼻竅而生清涕鼻孔窄狹積氣不能暢泄
故衝激而爲嚏噴以其中氣虛寒樞軸不運肺無下降之路
因而逆行上竅肺氣熏衝是以清水常流而嚏噴恒作然欲
嚏而卽出猶是上焦陽氣之稍盛者陽稍盛則顏色和也

腹滿五

中寒其人下利以裡虛也欲嚏不能此人肚中寒

中寒其人大便下利以其裡陽之虛也若欲嚏不能此人肚
中寒陽虛而寒盛也靈樞口間陽氣和則滿於心出於鼻故
爲嚏嚏者肺氣逆行蓄極而通而泄路迫狹故激而爲響至

於欲墮不能則氣虛寒盛比上之善嚏者又不加也

腹滿六

病者痿黃燥而不渴胸中寒實而利不止者死

病者痿弱發黃咽喉乾燥而實不覺渴是溼旺而土鬱也土

氣困之則痿靡不振木氣不達則入土發黃

木主五色
入土爲黃

木鬱

風動則咽喉乾燥水勝土溼則不渴若胸中寒實而不利不
止者火漸金冷土敗木賊陽無復機主死也

腹滿七

夫瘦人繞臍痛必有風冷穀氣不行而反下之其氣必衝不衝
者心下則痞

瘦人陽氣衰乏繞臍痛楚腹中必有風冷之邪壅遏穀氣不
得運行寒水風木合而賊土衝突擊撞是以痛也而反下之
敗其微陽陰邪無制其氣必衝若不衝於膈上必填於心下
心下痞滿之證於是作也

腹滿八

其脈數而緊乃弦狀如弓弦按之不移脈數弦者當下其寒脈
緊大而遲者必心下堅脈大而緊者陽中有陰可下之

其脈數而兼緊此乃弦脈其狀如弓弦硬直按之不能移動
是中氣虛寒木邪尅土之診脈數弦者寒氣凝滯當以溫藥
下其積寒脈緊大而遲者濁陰上逆必心下痞堅以足少陽

之脈下胃貫臍胃氣上逆壅礙膽經降路甲木逼迫胃口結
滯故心下堅硬緊大而遲則心下之堅全是陰邪結聚緣陽
位一虛則陰邪乘虛而上湊非衝塞於胸膈卽痞結於心下
也凡脈大而緊者是爲陽中有陰可以溫藥下之傷寒脈法
緊則爲寒內外之寒皆令脈緊外緊而內大者陰盛而外束
也陽爲陰束鼓宕不能外發故內大而外緊內緊而外大者
陰盛而內隔也陽爲陰隔浮動不能內交故外大而內緊積
陰內凝非下不去是以可下下宜溫藥大黃附子湯是其法
也

病者腹滿按之不痛爲虛痛者爲實可下之舌黃未下者下之黃自去

病者腹中脹滿按之不痛爲虛虛滿而未至滯塞也痛者爲實實滿而已至壅阻也陳宿凝滯是可下之舌黃者溼氣乘心故舌起黃胎以心竅於舌上性溼而色黃也痛滿因於氣滯氣滯必緣於土濕舌胎黃者溼之外候其未下者下之溼氣內泄則黃色外退矣

腹滿十

腹中寒氣雷鳴切痛胸脇逆滿嘔吐附子粳米湯主之

腹中寒氣雷鳴切痛者水寒木鬱肝氣梗澁而拂怒衝突必

欲強行氣轉腸鳴聲如雷引排觸擊撞是以切痛胸脇逆滿
嘔吐者膽胃上逆經絡壅塞濁氣薰衝則生嘔吐附子粳米
湯粳米甘草補土而緩中半夏附子降逆而驅寒也

附子粳米湯

百二十九

附子

一枚

半夏

半觔

甘草

一兩

大棗

十枚

粳米

半升

右五味以水八升煮米熟湯成去滓溫服一升日三服

腹滿十一

心胸中大寒痛嘔不能飲食腹中寒上衝皮起出見有頭足上
下痛而不可觸近者大建中湯主之

心胸大寒痛嘔不能飲食者土火俱敗寒水上凌胃氣奔逆

不能下降也腹中寒氣上衝皮起頭足出見上下走痛而不可觸近者風木與寒水合邪肆行無畏排擊衝突勢不可當也大建中湯膠飴人參培土而建中乾薑蜀椒補火而溫寒也

大建中湯

百三十六

乾薑

四兩

蜀椒

二合炒去汗

人參

二兩

右三味以水四升煮取二升去滓內膠飴一升微火煮取一升半分溫再服如一次頃可飲粥二升後更服當一日食糜粥溫服之

腹滿十二

寒氣厥逆赤丸主之

寒氣厥逆寒氣在內手足厥冷也四肢秉氣於脾胃寒水侮土四肢失秉是以厥逆寒水上凌心火漸敗是宜泄寒水而護心君赤丸茯苓烏頭泄水而驅寒溼半夏細辛降濁而下衝氣珍珠保護心君而止疼痛也

赤丸 百三十一

茯苓 四兩 烏頭 二兩 半夏 四兩 細辛 一兩

右四味末之內珍珠為色煉蜜為丸如麻子大先飲食酒下三丸日再夜一服不知稍增之以知為度

珍珠即珠砂非寶珠也

腹痛十三

脇下偏痛發熱其脈繁弦此寒也以溫藥下之宜大黃附子湯
脇下偏痛發熱其脈繁弦此脾土寒溼肝木鬱迫以溫藥下
其濕寒則愈矣宜大黃附子湯辛附降逆而驅寒大黃下積
而破結也

大黃附子湯

百三十二

大黃

三兩

附子

三兩

細辛

二兩

右三味以水五升煮取二升分溫三服若強人煮取二升
半分溫三服服後如人行四五里進一服

腹滿十四

病腹滿發熱十日脈浮而數飲食如故厚樸七物湯主之

腹滿痛發熱十日脉浮而數者外感風邪經府皆鬱經氣不
泄故發熱脉浮府氣不通故腹滿而痛而飲食如故則內證
非寒厚樸七物湯薑桂甘棗解表而和中枳樸大黃泄滿而
攻裡也小承氣湯合薑桂甘棗重用生薑亦溫下法也

厚樸七物湯 百三十三

厚樸

半斤

枳實

五枚

大黃

三兩

桂枝

二兩

甘草

三兩

炙

大棗

十枚

生薑

兩五

右七味以水一斗煮取四升溫服八合日三服嘔者加半
夏五合下利去大黃寒多者加生薑半斤

腹滿十五

痛而閉者厚樸三物湯主之

痛而內閉不通必驚而生熱直用寒泄不須溫下厚樸三物湯枳樸泄其滿大黃通其閉也

厚樸三物湯 百三十四 此即小承氣湯而分兩不同

厚樸 八兩 枳實 五枚 大黃 四兩

右三味以水一斗二升先煮二味取五升內大黃煮取三升溫服一升以利爲度

腹滿十六

腹滿不減減不足言當須下之宜大承氣湯 方在痙病

腹滿時減已復如故此爲寒也今腹滿不減雖少減而究不

足言減此非虛寒是實邪也內實故常滿而不減當須下之
宜天塚氣湯也

腹滿十七

按之心下滿痛者此爲實也當下之宜大柴胡湯

心下滿痛者少陽之經鬱迫陽明之府也少陽之經由胃口
而行兩脇脘胃上逆經府鬱塞故心下滿痛此爲實也法當
下之宜大柴胡湯柴芩芍藥以解少陽之經枳實大黃寒泄
陽明之府半夏薑棗降逆而補中也

大柴胡湯

百

必

柴胡

半斤

枳實

三兩

半夏

半斤

生薑

五兩

大黃 二兩

枳實 四兩

大棗 十二枚

右八味以水一斗二升煮取六升去滓再煎取三升溫服

一升日三服

寒疝一

腹痛脉弦而緊弦則衛氣不行即惡寒緊則不欲食邪正相搏
即為寒疝寒疝繞臍痛若發則白津出手足厥冷其脉沉緊者
大烏頭煎主之

腹痛脉弦而緊者肝脉弦腎脉緊寒水風木之邪合而賊土
是以腹痛弦則木鬱陽陷陰乘陽位外束衛氣故衛氣不行
陽鬱不達是以惡寒緊則寒水侮土胃氣上逆故不欲食清

陽下陷上與陰邪相爭不能透圖而出木氣幽淪永墜寒水

之中即為寒疝痲瘕同類皆腎肝陰邪所凝結也寒疝之病

水木合邪以侵土位常苦繞臍疼痛若發則木氣疏泄腎精

不藏洩出白液手足厥冷其脈沉緊者水寒而木鬱也宜大

烏頭煎蜂蜜緩急迫而潤風木烏頭泄溼淫而溫寒水也白液

出素問玉机真藏論脾傳之腎名曰疝
瘕少腹寬熱而痛出自津即自淫之類

大烏頭煎 百三十六

烏頭 大者五枚熬
去皮不咬咀

右以水三升煮取一升去滓內蜜二升煎令水氣盡取二

升強人服七合弱人服五合不差更服不可一日再服

寒疝二

寒疝腹中痛逆冷手足不仁若身疼痛灸刺諸藥不能治抵當
烏頭桂枝湯主之

寒疝腹中痛手足逆冷不仁者肝腎之邪合而賊土土敗而
四肢失養也或身上疼痛灸刺諸藥不能治是藏病而經亦
鬱病根在裏但以灸刺諸藥治其表故不能愈也抵當烏頭
桂枝湯烏頭驅寒而逐溼桂枝達木而通經也

烏頭桂枝湯 百三十七

烏頭 三枚
桂枝 三兩
芍藥 三兩
甘草 二兩

大棗 十二枚
生薑 三兩

右桂枝五味以水七升微火煮取三升去滓烏頭一味以
蜜二升煎減半去滓以桂枝湯五合合煎令得一升後初
服二合不知卽服三合又不知復加至五合其知者如醉
狀得吐者爲中病

寒疝三

寒疝腹中痛及脇痛裏急者當歸生薑羊肉湯主之

寒疝腹中痛及脇痛裏急者風木寒鬱而尅溼土也當歸生
薑羊肉湯當歸滋木而息風生薑羊肉行鬱而溫寒也

當歸生薑羊肉湯 百三十八

當歸 三兩
生薑 五兩
羊肉 一觔

右三味以水八升煮取三升溫服七合日三服 若寒多者加生薑成一觔 痛多而嘔者加橘皮二兩 白朮一兩 加生薑者亦加水五升煮取三升二合服之

宿食一

問曰人病有宿食何以別之師曰寸口脈浮而大按之反濇大 中亦微而濇故知有宿食大承氣湯主之 方見瘕病

宿食在胃鬱格表陽故寸口浮大阻礙裡氣故按之梗澁尺 中亦微而濇者尺中主裡也此段見傷寒可下中

宿食二

脈緊如轉索無常者有宿食也脈緊頭痛風寒腹中有宿食不

化也

脈緊如轉索無常者鍾輪轉索而不定愈轉則愈緊也以水寒土溼則食停不化宿食在中土氣鬱滿乙木抑遏陷於寒水不能上達是以脈緊甚而木鬱陽陷陰邪外乘頭痛風寒形似外感實乃腹中宿食不化也

宿食三

脈數而滑者實也此有宿食下之愈宜大承氣湯

脈數滑者宿食在中陽氣鬱格則脈滑數

宿食四

下利不欲食者有宿食也當下之宜大承氣湯

此段見傷寒可下中宿食傷其胃氣陳腐不化故惡聞食臭

宿食五

宿食在上脘當吐之宜瓜蒂散

此段見傷寒可吐中宿食未消而在上脘阻礙糧道法當吐

之宜瓜蒂散

瓜蒂散 百三十九方見傷寒太醫

瓜蒂 一分 赤小豆 一分 熬黃

右二味杵為散以香豉七合煮取和散一錢七溫服不吐者少加以快吐為度而止亡血及虛者不可與之

附方

外臺柴胡桂枝湯九

治心腹卒痛者

柴胡

四兩

黃芩

兩半

半夏

二合

生薑

三兩

人參

兩半

甘草

炙三兩

大棗

十二枚

桂枝

兩半

芍藥

兩半

右九味以水六升煮取三升温服一升日三服

金匱懸解卷十八

內傷雜病

昌邑黃元御坤載著

跌蹶手指臂腫轉筋狐疝蚘蟲

跌蹶手指臂腫轉筋狐疝蚘蟲皆寒溼之病也跌蹶之病寒溼在足太陽之經手指臂腫寒溼在手太陰之藏轉筋之病寒溼在足厥陰之經狐疝之病寒溼在足少陰之經蚘蟲之病寒溼在足厥陰之藏凡此五者經藏非同而病氣則同也假使土燥而水煖則五者不生矣

跌蹶一

師曰病跌蹶其人但能前不能却刺膈入二寸此太陽經傷也

病跌蹶其人但能前不能却足跌硬直能前走而不能後移也緣筋脈寒涇縮急不柔是以不能後却陽明行身之前筋脈鬆和則能前步太陽行身之背筋脈柔濡則能後移今能前不能却是病不在前而在後太陽經傷也太陽之經入臑中貫膈內出外踝之後至小指外側刺膈入二寸瀉太陽之寒涇筋柔則能却矣

膈足用也刺膈者合陽乘筋之間也

此藏府經絡篇所謂

涇傷於下寒令脈急者也

手指臂腫二

病人常以手指臂腫動此人身體瞶瞶者藜蘆甘草湯主之
手指臂三者手三陽三陰經之所循手之三陰白胸走手手

之三陽自手走頭經氣通暢則不腫經絡壅阻不能流行則
氣血蓄積結而爲腫氣壅而莫泄故鼓鬱而爲動也動則瞤
瞤振搖而不寗此其胸中有瘀濁阻格經脈氣道不通故至
於此藜蘆甘草湯藜蘆吐其瘀濁甘草和其中氣也

藜蘆甘草湯

百四十

藜蘆二兩

甘草一兩

炙

原方缺載

轉筋三

轉筋之爲病其人臂脚直脉上下行微弦轉筋入腹者雞屎白
散主之

轉筋之爲病其人臂脚硬直不能屈伸其脉上下直行微帶
弦象此厥陰肝經之病也肝主筋筋脉得溼則挛縮而翻轉
也轉筋入腹則病勢劇矣雞屎白散泄其溼邪筋和而舒矣
雞屎白散 百四十一

雞屎白

右一味爲散取方寸匕以水六合和温服

狐疝四

陰狐疝氣者偏有大小時時上下蜘蛛散主之

陰狐疝氣者疝結陰囊出沒不測狀似妖狐也左右二丸偏
有大小時時上下出入無常此少陰厥陰二經之病由水寒

木陷肝氣下鬱而發蜘蛛散蜘蛛破瘀而消腫桂枝疏木而
升陷也

蜘蛛散 百四十二

蜘蛛十四枚 熬焦 桂枝半兩

右二味為散取八分一匕飲和服日再服蜜丸亦可

虻蟲五

問曰病腹痛有蟲其脉何以別之師曰腹中痛其脉當沉若弦
反洪大故有虻蟲

腹中痛者腎肝之邪水寒而木鬱也腎脉沉肝脉弦是其脉
當沉若弦乃反洪大是木鬱而生上熱也木鬱熱閉則蟲生

故有蚘蟲也

蚘蟲六

蚘蟲之爲病令人吐涎心痛發作有時毒藥不止者甘草粉蜜湯主之

蚘蟲之爲病令人吐涎沫而心痛以肝心子母之藏肝氣通於心其經挾胃口而貫膈正由心傍蚘者木氣所化木鬱而上衝故心痛心病則火炎而刑金津液不布故涎沫上湧蚘有動止故發作有時毒藥不止者但知殺蟲而木鬱不達也甘草粉蜜湯甘草補土白粉殺蟲蜂蜜潤燥而清風滑腸而

下積也

甘草粉蜜湯 百四十三

甘草 二兩 白粉 一兩 蜂蜜 四兩

右三味以水三升先煮甘草取二升去滓內粉蜜攪令和煎如薄粥溫服一升差卽止

蚘蟲七

蚘厥者當吐蚘令病者靜而復時煩此爲藏寒蚘上入其膈故煩須臾復止得食而嘔又煩者蚘聞食臭出其人當自吐蚘厥者烏梅丸主之

此段見傷寒厥陰篇蚘厥者內有蚘蟲四肢厥冷其證當見吐蚘蚘蟲在內令病者有時靜而復動此因藏寒不能安蚘

全圖懸解 卷六
四
虬蟲避寒就溫上入其膈故煩虬蟲得溫而安須臾復止及其得食藏寒不能消化隨卽嘔出故其人當自吐虬烏梅丸
烏梅薑辛殺蟲止嘔而降衝人參桂歸補中疏木而潤燥椒附煖水而溫下寒連柏泄火而清上熱也蓋厥陰之病水寒不能生木木鬱而熱發故上有燥熱而下有寒溼烏梅丸上清燥熱而下溫寒溼虬厥之神方也

烏梅丸 百四十四

烏梅

三百

細辛

六兩

乾薑

十兩

人參

六兩

桂枝

六兩

當歸

四兩

蜀椒

四兩

附子

六兩

黃連

一斤

黃柏

六兩

右十味異搗篩合治之以苦酒漬烏梅一宿去核蒸之五

升米下飯熟搗成泥和藥令相得內日中與蜜杵二千下
丸如梧子大先食飲服十九日三服稍加至二十九禁生
冷滑臭等物

金匱懸解卷十九

外科

昌邑黃元御坤載著

瘡癰腸癰浸淫

瘡癰者營衛壅阻之病也營氣得寒血脈凝滯壅阻衛氣蓄積結硬衛鬱熱盛肉腐爲膿膿不泄則爛筋筋爛則傷骨骨傷則髓消筋骨肌肉不相榮經脈敗漏薰於五藏藏傷則人死矣淺者爲癰深者爲疽癰者衛營之壅塞於外者也疽者氣血之滯於內者也疽之外候皮天而堅癰之外候皮薄而澤陰陽之分也仲景於癰疽之門獨列腫癰腸癰二種腫癰卽癰之淺者腸癰卽癰之深者證不多舉而義已概矣靈樞

癰疽之篇條緒繁多不過此兩者之傳變而已無煩詳引也

瘡癰一

諸浮數脈應當發熱而反洒淅惡寒若有痛處當發其癰

此段見傷寒脈法諸脈浮數當發熱而反洒淅惡寒此熱鬱於內不得外發陽遏不達故見惡寒若有疼痛之處則內熱鬱蒸肉腐膿化當發其瘡癰也

瘡癰二

師曰諸癰腫欲知有膿無膿以手掩腫上熱者爲有膿不熱者爲無膿

內熱盛則蒸腐血肉而爲膿以手掩腫上熱者是內熱已盛

膿化結消而陽氣外達也故知有膿不熱者血肉腫結陽鬱未達故知無膿

瘡癰三

問曰寸口脈浮微而濇法當亡血若汗出設不汗出者云何曰若身有瘡被刀斧所傷亡血故也

寸口脈浮微而濇氣虛則浮微血虛則濇法當亡血若汗出以其氣血鬱蒸而外泄汗出則血消血消則氣亡寸口脈浮微而濇氣血俱虛如此是非亡血卽汗出也設不汗出必當亡血若夫身有瘡癰或被刀斧所傷營血失亡故脈如此也

腫癰四

腫癰者少腹腫痞按之卽痛如淋小便自調時時發熱自汗出復惡寒其脈遲緊者膿未成可下之當有血脈洪數者膿已成不可下也大黃牡丹湯主之

腫癰者少腹腫痞癰之外在肌肉者也肌肉壅腫內阻腸胃之氣結而不行故痞硬不軟按之裡氣愈阻膀胱經脈壅塞木氣鬱迫故其痛如淋病不及府水道無阻故小便自調陽氣鬱蒸皮毛不合故發熱汗出而陽鬱不能透泄故仍復惡寒其脈遲緊則血肉凝塞隧道不通膿尚未成可以下之當有血也脈洪數者熱盛膿成不可下也大黃牡丹湯牡丹桃仁瓜子排決其膿血芒硝大黃洗蕩其鬱蒸也

大黃牡丹湯 百四十五

大黃 四兩 芒硝 三合 瓜子 半升 丹皮 一兩 桃仁 五十枚

右五味以水六升煮取一升去滓內芒硝再煎沸頓服之
有膿當下無膿下血

腸癰五

腸癰之為病其身甲錯腹皮急按之濡如腫狀腹無積聚身無
熱脈數此謂腸中有癰膿薏苡附子敗醬散主之

夫腸癰者癰之內及六府者也血氣凝滯外不華膚故其身
甲錯腸胃痞脹故腹皮緊急壅腫在內故按之濡塌形如腫
狀其實肌膚未嘗腫硬也病因腸間癰腫腹內原無積聚癰

熱在裏故身上無熱而脈却甚數此謂腸中有癰也靈樞癰疽寒邪客於經絡之中則血滯血滯則不通不通則衛氣歸之不得復反故癰腫寒氣化爲熱熱盛則肉腐肉腐則爲膿是癰成爲熱而其先則寒也寒非得溫則不凝薏苡附子敗醬散薏苡去溼而消滯敗醬破血而宜膿附子溫寒而散結也

薏苡附子敗醬散 百四十六

薏苡 十分
附子 二分
敗醬 五分

右三味杵爲散取方寸匕以水二升煎減半頓服小便當

下

排膿湯

百四十七

甘草

二兩

桔梗

三兩

生薑

一兩

大棗

十枚

右四味水三升煮取一升溫服五合日再服

排膿散

百四十八

枳實

十六枚

芍藥

六分

桔梗

二分

右三味杵為散取雞子黃一枚以藥散與雞子黃相等攪勻相得飲和服之日三服

金瘡六

病金瘡王不留行散主之

金瘡失血溫氣外亡乙木寒溼必生風燥王不留行散甘草

補中厚朴行滯椒薑煖血而扶陽芩芍清肝而息風蒴藿細
葉行瘀而化凝桑根王不留行通經而止血也

王不留行散

百四十九

王不留行

十分八月八日採燒

甘草

十八分

厚樸

二分

蒴藿細葉

七分七月

七日採燒黃芩

二分

芍藥

二分

乾薑

二分

川椒

三分除目

及開口

桑東

南根

白皮十分三

月三日採燒

右九味桑皮蒴藿王不留行燒灰存性勿令灰過各別搗
篩合治之爲散服方寸七日二小瘡卽粉之大瘡俱服之
產後亦可服如風寒桑東南根勿取之燒灰三物皆陰乾

百口用

浸淫瘡七

浸淫瘡從口流向四肢者可治從四肢流來入口者不可治浸淫瘡黃連粉主之

素問玉機真藏論夏脈太過則令人身熱而膚痛爲浸淫氣交變論歲火太過身熱骨痛而爲浸淫靈樞癰疽發於足上下名曰四淫四淫者瘡之淫洩於四肢卽浸淫之謂也熱毒浸淫從口流向四肢者毒散於外故可治從四肢流來入口者毒結於內故不可治黃連粉泄熱而清火也

黃連粉

自五十

黃連

原方闕載大概以連一味作粉粉瘡上以泄毒熱也

金匱懸解卷二十

昌邑黃元御坤載著

婦人

妊娠

胎元化生非有他也氣以煦之血以濡之而已氣惡其滯滯緣於濕血惡其鬱鬱因於風妊娠養胎之要燥土而行滯潤木而達鬱無餘蘊矣血統於乙木氣統於辛金而肺病則濕肝病則燥以足厥陰主令於風木手太陰化氣於濕土故行氣以燥土爲先行血以潤木爲首仲景以妊娠之門溫涼燥潤四法俱脩大要在建中而培土中氣健旺而後用涼潤於

東南以治木火則血調矣用溫燥於西北以治金水則氣調矣氣血均調而胎元化育妊娠何得有餘病也

妊娠一 妊娠一

師曰婦人得平脈陰脈小弱其人渴不能食無寒熱名妊娠桂枝湯主之方見利於法六十日當有此証設有醫治逆者却一月加吐下者則絕之

婦人得和平之脈而尺脈小弱其人渴不能食外無寒熱表証是名妊娠難經命門者諸精神之所舍原氣之所係也男子以藏精女子以繫胞蓋子宮者少陰腎之位也故脈見於尺胎之初結氣血凝塞不見流溢故脈行小弱胎妊方成中

氣塞滿胃逆不降故惡心嘔吐不能甘食胃逆則金火皆升
是以發渴桂枝湯甘草大棗補其脾精桂枝芍藥調其肝血
生姜降逆止嘔妊娠初治之良法也於妊娠之法六十日間
當有此證設有醫治之逆者却一月之內而見此証加以吐
下之條者日期淺近而吐下大作此中氣之敗不關胎故則
調燮中氣絕其病本也

妊娠二 癥瘕二

婦人宿有癥瘕經斷未及三月而得漏下不止胎動在臍上者
爲癥瘕害妊娠六月動者前三月經水利時胎也下血者後斷
三月衄也所以血不止者其癥不去故也當下其癥桂枝茯苓

丸主之

婦人宿有癥瘕之病經斷未及三月之外而得漏下不止胎動在臍上者此爲癥瘕之害蓋癥瘕不在胎宮所以受胎將及三月胎氣漸大與癥瘕相礙此後經血被癥瘕阻格不得滋養胞宮是以漏下不止妊娠六月胎動者前三月經水利時之胎也經漏下血者後斷經三月之衃也後斷經三月前經利三月合爲六月其初漏下之血塊乃後斷三月化胎之餘血凝而成衃者也所以此後之血不止者無胎時竅隧空虛而莫阻胎成血阻而病漏下此以其癥不去也當下其癥癥因土濕木鬱而結桂枝茯苓丸桂枝芍藥疏木而清風丹

皮桃仁破瘀而行血茯苓泄水而滲濕以漸而消磨之此妊

娠除癥之法也

桂枝茯苓丸

百五十

桂枝

芍藥

桃仁

去皮尖熬

丹皮

茯苓

等分

右五味末之煉蜜丸如兔矢大每日食前服一丸不知加

三三丸

妊娠三

婦人懷孕六七月脈弦發熱其胎愈脹腹痛惡寒少腹如扇所以然者子藏開故也當以附子湯溫其藏

木鬱則脈弦木鬱陽陷故發熱而惡寒木鬱尅土故胎脹而

腹痛木鬱生風故少腹涼氣如扇所以然者土濕水寒肝木
不榮陷而生風疏泄失藏致令子藏開張也當以附子湯溫
其腎藏苓附泄水而驅寒參朮補土而益氣芍藥斂木而息
風水濕土燥木榮風息則寒熱止而痛脹消矣

附子湯

百五十二 方見傷寒少陰 金匱失載此取傷寒

附子

三枚 去皮 茯苓 三兩 人參 二兩 白朮 四兩 芍藥 三兩

右五味以水八升煮取三升去滓溫服一升日三服

妊娠四胞阻四

師曰婦人有漏下者有半產後因續下血不絕者有妊娠下血
者假令妊娠腹中痛為胞阻膠艾湯主之

非經期而下血如器水漏滴謂之漏下土弱木鬱不能養胎則胎落而半產半產後肝脾遏陷陽敗不能溫升因續下血不止肝脾陽衰胎成氣滯木鬱血陷故妊娠下血如宿藏漏下之類假令妊娠腹中疼痛而下血此爲胞阻胞氣阻礙經血不得上行而下也胞阻之病因木鬱風動經脈寒澁而成膠艾湯芎地歸芍養血而行瘀澁阿膠艾葉清燥而溫寒凝甘草補土而暖肝氣木達則阻通矣

膠艾湯 百五十三

阿膠 二兩 艾葉 三兩 甘草 二兩 川芎 二兩 乾地黃 六兩

當歸 三兩 芍藥 四兩

右七味以水五升清酒三升合煮取三升去滓內膠令消

盡溫服一升日三服

妊娠五 腹痛五

婦人懷娠腹中疝痛當歸芍藥散主之

疝說文作疝音絞腹中急也

胎成氣滯濕土賊於風木則腹中疝痛當歸芍藥散芍歸芍

藥潤肝而行瘀苓澤白朮泄濕而燥土也

當歸芍藥散 百五十四

當歸 二兩 芍藥 一斤 川芎 三兩 茯苓 四兩 澤泄 半斤

白朮 四兩

右六味杵為散取方寸匕酒和日三服

妊娠六 嘔吐六

妊娠嘔吐不止乾薑人參半夏丸主之

中焦鬱滿胃氣上逆則嘔不止乾薑人參半夏丸乾薑人參

溫中而益氣半夏薑汁降逆而止嘔也

乾薑人參半夏丸

百五十五 按此方以生薑汁煉蜜為丸 治反胃嘔吐甚則加茯苓愈妙

乾薑 一兩 人參 一兩 半夏 二兩

右三味末之以生薑汁糝之為丸如梧子大飲服十九日

三服

妊娠七 小便七

妊娠小便難飲食如故當歸貝母苦參丸主之

水生於肺金而泄於肝木妊娠中氣鬱滿升降失職金逆而
生上熱木陷而生下熱源流湮塞故小便艱難當歸貝母苦
參丸當歸滋木而息風貝母泄熱而清金苦參泄濕而利水
也

當歸貝母苦參丸 百五十六

當歸 四兩 貝母 四兩 苦參 四兩

右三味末之煉蜜丸如小豆大飲服三丸加至十丸

妊娠入 水氣八

妊娠有水氣身重小便不利洒淅至之起即頭眩葵子茯苓散

主之

妊娠內有水氣身體沉重土濕木鬱疏泄不行故小便不利
木鬱陽陷陰氣外束故洒淅惡寒水邪阻隔陽氣升浮故起
卽頭眩葵子茯苓散葵子茯苓滑竅而泄水也

葵子茯苓散 百五十七

葵子 一升 茯苓 三兩

右二味杵爲散飲服方寸七日三服小便利卽愈

妊娠九

婦人妊娠宜常服當歸散主之

胎之結也賴木氣以生之借土氣以養之妊娠所以多病者
土溼而木燥也燥則鬱熱而尅土故妊娠所宜常服者培養

土木之劑也當歸散白朮燥土歸芍瀉木芎芩清熱而行瘀
土旺木榮妊娠無餘事矣

當歸散

百五十八

當歸

一斤

芍藥

一斤

黃芩

一斤

白朮

半斤

川芎

半斤

右五味杵爲散酒服方寸七日再服妊娠常服卽易產胎

無疾苦產後百病悉主之

此方疑是有產安胎產後百病悉主此句必錯

妊娠十

妊娠養胎白朮散主之

胎之所以失養者土溼水寒而木氣鬱結也妊娠養胎燥土
暖水疏木散結而已矣白朮散朮椒燥土而暖水川芎疏木

而達鬱牡蠣消痰而散結歛神而保精養胎之善方也

白朮散 百五十九

白朮 蜀椒 去汗 川芎 牡蠣 等分

右四味杵為散酒服一錢七日三服夜一服 但苦腹痛

加芍藥心下毒痛倍加川芎心煩吐痛不能飲食加細辛

一兩半夏大者二十枚服之後更以醋漿水服之若嘔以

醋漿水服之復不解者小麥汁服之已後渴者大麥粥服

之病雖愈服之勿置

妊娠十一 傷寒 腹滿九

婦人傷胎懷身腹滿不得小便從腰以下重如有水氣狀懷身

七月太陰當養不養此心氣實當刺瀉勞宮及關元小便微利則愈

婦人傷胎以致懷身腹滿不得小便從腰以下沉重如有水氣之狀懷身七月手太陰之經當養而不養此濁陰上逆填於陽位心氣鬱塞而成實也蓋胎之結也一月二月木氣生之三月四月火氣長之五月六月土氣化之七月八月金氣收之九月十月水氣成之五氣皆足而胎完矣足太陰以濕土主令手太陰從濕土化氣懷身七月正手太陰當養之時而土氣濕旺故當養不養濕旺則氣滯不能化水故腹滿而便癰下重而如水凝滯火無降路必尅辛金而生上熱故心

下成實勞宮者手厥陰之穴脈動於掌心刺勞宮以泄厥陰之滯則心亦泄矣以君相之火同氣也關元任脈之穴在臍下三寸小腸之募刺關元以泄小腸之滯則心亦泄矣以丙丁之火同氣也氣通火化小便微利濕氣滲泄則病愈矣

[The main body of the page contains several columns of vertical text, which is extremely faded and illegible due to the age and condition of the document.]

金匱懸解卷二十一

昌邑黃元御坤載著

婦人

產後

婦人產後血室空洞陰虛之病固多而溫氣亡泄陽虛之病亦自不少產後三病痙冒便難皆陰虛而兼陽弱者也至於胃實腹痛血瘀惡露未嘗不用泄下此以物聚而成實者也若非陳宿凝聚不得實也故產後之病切以中氣爲主蓋亡血木枯乃中氣尅傷之本徒知木燥而不知土虧非良工也

產後一

問曰新產婦人有三病一者病瘧二者病鬱胃三者大便難何謂也師曰新產血虛多汗出喜中風故令病瘧亡血復汗寒多故令鬱胃亡津液胃燥故大便難

新產血虛多汗易感風邪風閉皮毛血虛筋燥經脉攣縮故令病瘧亡血復汗陽泄寒多木過陽陷不能外發陰邪閉束清氣幽埋故令神昏而鬱胃汗亡津液胃陽乾燥故竅澁而便難此新產婦人之三病也

產後二

產婦鬱胃其脉微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上

出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之

產婦陽陷而病鬱冒溫氣亡泄故其脈微弱胃氣上逆故嘔不能食血脫腸燥故大便反堅陽不歸根故頭上汗出所以然者血性溫暖而胎君火血脫則溫氣亡泄寒盛而發厥逆厥則木遏陽陷必生鬱冒冒家欲解陽氣外達發於羣陰之內透圖而出必作大汗也血虛下厥孤陽不歸泄而失藏故頭上汗出蓋陰中之陽下陷則病鬱冒陽中之陽上逆則見頭汗也所以產婦喜出汗者以其亡陰血虛陽不歸根獨盛於上蒸泄皮毛故當汗出陽隨汗泄與陰氣相平陰陽之顛

倒而反常者乃復其本位也其大便艱難嘔不能食者膽胃
上逆飲食不下宜小柴胡湯柴芩半夏清膽火而降胃逆姜
甘參棗補脾陽而滋肝血也

產後三

胃實發熱十三

病解能食七八日更發熱者此爲胃實大承氣湯主之

方在
痙病

鬱冒病解嘔止能食七八日後更發熱者此產後陽虛飲食
不消宿穀壅阻陽格於外而發熱也病本爲虛而宿食停留
則爲胃實大承氣湯下其宿食則陽秘而熱止也

產後四

腹痛十四

產後腹中疝痛當歸生薑羊肉湯主之

方見
寒疝

并治腹中寒疝虛

勞不足

產後陽亡上濕血虛木燥濕土遏陷風木不達鬱殖衝擊則
病腹痛當歸生薑羊肉湯當歸滋風木而潤燥生薑羊肉溫
肝脾而行鬱治腹痛血枯之良法亦寒疝虛勞之良方也

產後五 腹痛煩滿

產後腹痛煩滿不得臥枳實芍藥散主之

產後腹痛煩躁脹滿不得臥是木燥而尅土土鬱而氣滯也
枳實芍藥散泄土鬱而清木燥也

枳實芍藥散 百六十

枳實 燒令黑 等分
勿太過 芍藥

右二味杵爲散服方寸七日三服并治癰膿以麥粥下之

產後六

瘀血十六

師曰產婦腹痛法當以枳實芍藥散假令不愈者此爲腹中有瘀血着臍下宜下瘀血湯主之

產後腹痛法當以枳實芍藥散雙泄上木之鬱假令不愈此爲腹中有瘀血着於臍下肝氣鬱阻而爲痛也宜下瘀血湯
桃仁蠱虫破其瘀血大黃下其癥塊也

下瘀血湯

百六十一

大黃

三兩

桃仁

三十枚

蠱虫

二十枚
去足熬

右三味末之煉蜜和爲丸以酒一升煎一九取八合頓服

之瘀血下如脈汗亦主經水不利

產後七 惡露不盡十七

產後七八日無太陽證少腹堅痛此惡露不盡不大便煩躁發熱切脈微實再倍發熱日晡時煩躁者不食食以信語至夜即愈宜大承氣湯主之熱在裡結在膀胱也

產後七八日無太陽表證但覺少腹堅痛此惡露之未盡也其證不大便煩躁而發熱若切其脈或覺微實再患加倍發熱日晡時益以煩躁者此陽明之府熱胃氣鬱結必當不食食則中氣愈鬱燥熱逆衝而作譫語至夜而陽消陰長則愈是宜大承氣湯泄其府熱以其熱在胃裡結在膀胱之府也

蓋胃腸內實燥土尅水病及膀胱膀胱結燥肝木失滋故血
道瘀澁惡露不行木氣遏陷少腹堅痛也大承氣泄陽明之
熱故膀胱清而惡露下若有太陽表証太陽者膀胱之經是
宜解表之法用桃核承氣抵當湯九以下瘀血此無太陽証
全是陽明之累及膀胱故但清陽明膀胱自愈也

產後八

中風十八

產後中風續續數十日不解頭微痛惡寒時時有熱心下悶乾
嘔汗出雖久陽旦證續在者可與陽旦湯

卽桂枝湯
方在下利

產後太陽中風續續數十日不解頭痛惡寒時時有熱心下
壅悶乾嘔汗出此皆太陽中風之證日期雖久太陽之陽且

證續在耳可與陽旦湯以解其表陽旦湯卽桂枝湯傷寒太陽篇傷寒脈浮自汗出反攻其表此誤也 問曰證象陽旦按法治之而增劇答曰病證象桂枝是陽旦卽桂枝義甚明白喻嘉言無知妄作乃有桂枝加黃芩之論又造陰旦之方庸愚狂謬何至於此

產後九

中風發熱十九

產後中風發熱面正赤喘而頭痛竹葉湯主之

產後中風發熱面色正赤喘而頭痛此陽虛土敗水泛胃逆肺氣壅滿陽鬱頭面而不降也竹葉湯竹葉桔梗涼肺而下氣生薑葛根清胃而降逆附子溫寒而暖水桂防燥溼而達

木甘棗人參補中而培土也蓋產後中氣虛弱一感風邪鬱其表氣肝脾下陷而生寒胃膽上逆而生熱其發熱面赤喘促頭痛皆陽逆上熱之證卽其胃逆而上熱知其脾陷而下寒非寒水下旺君相之火不至格鬱而不降也

竹葉湯

百六十二

竹葉

一把

葛根

三兩

桔梗

一兩

生薑

五兩

附子

一枚炮

桂枝

一兩

人參

一兩

防風

一兩

甘草

一兩

大棗

十五枚

右十味以水一斗煮取二升半分溫三服溫覆使汗出頸項強用大附子一枚破之如豆大人前藥揚去沫嘔者加半夏半斤洗過用

產後十 中虛煩嘔二十

婦人乳中虛煩亂嘔逆安中益氣竹皮大丸主之

婦人乳子中氣虛弱胃土不降相火上炎而生煩亂濁氣薰
衝而作嘔逆宜安中益氣竹皮大丸竹茹石膏止嘔而消煩
甘草桂枝補中而下衝白薇涼金而退熱也

竹皮大丸 百六十三

生竹茹 二分 石膏 二分 桂枝 一分 甘草 七分 白薇 一分

右五味末之棗肉和丸彈子大以飲服一九日三夜二服
有熱倍白薇煩喘者加柏實一分

產後十一 下利二十一

產後下利虛極白頭翁加甘草阿膠湯主之

產後陽衰土濕木鬱生熱風木疏泄而病下利亡血之後復
苦泄利虛憊極矣宜白頭翁湯清其溼熱加甘草以培中氣
阿膠以滋風木也

白頭翁加甘草阿膠湯 百六十四

白頭翁 二兩 黃連 三兩 黃柏 三兩 秦皮 三兩 阿膠 二兩

甘草 二兩

右六味以水七升煮取二升半內膠令消盡分溫三服

附方

千金三物黃芩湯 十

治婦人在草蓐自發露得風四肢苦煩熱頭痛者與小柴胡湯頭不痛但煩者此湯主之

黃芩 一兩
苦參 二兩
乾地黄 四兩

右三味以水六升煮取二升溫服一升多啜下蟲

千金內補當歸建中湯 十一

治婦人產後虛羸不足腹中刺痛不止吸吸少氣或苦少腹中急痛引腰背不能飲食產後一月日得服四五劑爲善令人強壯宜

當歸 四兩
桂枝 三兩
芍藥 六兩
甘草 二兩

大棗 十一
生薑 三兩

右六味以水一斗煮取三升分溫三服一日令盡如大虛
加餠糖六兩湯成內之於火上緩令餠消若去血過多崩
傷內衄不止加地黃六兩阿膠二兩合八味湯成內阿膠
若無當歸以川芎代之若無生薑以乾薑代之

金匱懸解卷二十二

昌邑黃元御坤載著

婦人

雜病

婦人雜病緣於脾腎寒濕風木枯燥淫洩而傳化也或有寒水不能生木木鬱而變熱者究竟標熱而本寒除熱入血室外餘皆陽浮假熱之熱未可恣用陰涼之品未以陽虛積冷總結婦人諸證妊娠產後雜病共計三十六證無不皆然也

雜病一

熱入血室二十二

婦人中風發熱惡寒經水適來得之七八日熱除脉遲身涼和

胸脇滿如結胸狀譫語者此爲熱入血室也當刺期門隨其實而瀉之

此段見傷寒少陽篇婦人中風發熱惡寒而值經水適來之時得之七八日後熱解脈遲身體涼和是當愈矣乃胸脇脹滿如結胸之狀而作譫語者此爲熱入血室熱不在外而在內也蓋少陽之經下胸貫膈而循脇裡經氣不降橫塞胸脇故滿如結胸相火逆升而爍心液故作譫語以肝主血心主脈甲乙同氣君相交通故血熱而心病當刺厥陰之期門瀉其經中之實熱以散血室之瘀蒸也

婦人中風七八日續來寒熱發作有時經水適斷此爲熱入血室其血必結故使如瘧狀發作有時小柴胡湯主之

方在嘔吐

此段見傷寒少陽婦人中風得之七八日後續得寒熱往來發作有時之證而值經水適斷之時者此爲熱入血室其血必當瘀結熱結血分少陽之經氣不得外達陰陽交爭互相束閉故使寒熱如瘧發作有時也小柴胡湯發少陽之經邪熱去則血可自下不下然後用下瘀之劑也婦人中風而值經水適來適斷之時當經傳少陽相火鬱發不得泄露邪熱隨內傳必入血室以其經脈新虛最易受邪也

雜病三

婦人傷寒發熱經水適來晝日明了暮則譫語如見鬼狀者此爲熱入血室治之無犯胃氣及上二焦必自愈

此段見傷寒少陽篇婦人傷寒發熱而值經水正來之時晝日清自明了暮則譫語如見鬼狀者此爲熱入血室以血爲陰夜而陽氣入陰血熱發作故譫妄不明治之勿犯中焦胃氣及上焦清氣必自愈也

雜病四

陽明病下血譫語者此爲熱入血室但頭汗出當刺期門隨其實而瀉之澀然汗出則愈

此段見傷寒陽明篇陽明病下血譫語此爲胃熱入於血室

蓋心藏神而神之魂藏於血血熱魂擾故心神皆亂而作譫
語頭爲手足六陽所會陽氣上蒸表不能閉故頭上汗出而
身無汗熱鬱血分不能外泄宜刺厥陰之期門以泄血熱隨
其實處而泄之一得泚然汗出則熱解而病愈矣

雜病五

半產漏下二十三

寸口脈弦而大弦則爲減大則爲芤減則爲寒芤則爲虛寒虛
相搏此名曰革婦人則半產漏下旋覆花湯主之

此段見傷寒脈法及虛勞吐衄二篇水寒木枯則脈弦營虛
衛浮則脈大弦則陽衰而外減大則陰衰而內芤減則陽氣
不足而爲寒芤則陰血不充而爲虛寒虛相合此名曰革如

鼓之外硬而中空也氣血虛寒脉如皮革婦人見此則胎孕
殞落而半產經脉沉陷而漏下旋覆花湯旋覆行血脉之癥
葱白通經氣之滯新絳止崩而除漏也

旋覆花湯 百六十五

旋覆花 三兩 葱白 十五莖 新絳 少許

右三味以水三升煮取一升頓服之 新絳卽帽繙用新
染者能入血分

雜病六 隋經漏黑二十四

婦人陷經漏下黑不解膠薑湯主之

婦人經水溫則升而赤寒則陷而黑血藏於肝而肝生於腎
腎寒不能生木木鬱血陷則漏下黑色久而不解此以寒水

之失藏風木之善泄也膠薑湯阿膠滋木而息風乾薑溫肝而暖血也

膠薑湯 百六十六

阿膠 乾薑

原方缺載

雜病七 經水不利二十五

婦人經水不利下抵當湯主之

經水不利必有瘀血壅阻宜抵當湯下其瘀血也

抵當湯 百六十七
方見傷寒太陽

水蛭 三十枚 熬
蠱蟲 三十枚 熬
桃仁 三十枚 去皮尖
大黃 三兩 酒浸

右四味爲末水五升煮取三升去滓溫服一升

雜病入帶下二十六

問曰婦人年五十所病下利數十日不止暮卽發熱少腹裡急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

婦人年五十所病下利數十日不止脾土濕陷而風木疏泄也土濕水寒暮而陽不內歛是以發熱乙木鬱陷不得升達故腹滿裡急手厥陰之脈行手掌而上中指手少陰之脈行手掌而走小指下寒而君相之火不根於水故手掌煩熱陰

精脫泄肺津枯槁故唇口乾燥此病屬帶下之證以曾經半
產瘀血在少腹不去陰精不能上濟故少腹失其閉藏厥陰
行其疏泄下流而爲帶也蓋神藏於心精藏於腎半產之家
腎氣虛寒瘀血凝澁結於少腹阻隔陰陽交濟之氣故陰精
流溢而爲帶證素問骨空論任脈爲病男子內結七疝女子
帶下瘕聚以任者諸經之統任在中陽秘則爲受妊任寒
冷陰精失溫凝聚則爲瘕流溢則爲帶陰精之不脫者帶脈
橫束環腰如帶之收引也水寒木陷帶脈不引故謂之帶下
何以知其爲帶下也其證唇口乾燥陰精下脫而不上濟故
知之也帶下之證下寒上熱下寒故下利裡急上熱故煩熱

乾燥此當溫腎肝兩經之下寒溫經湯歸膠芍藥養血而清
風丹桂芍藥破瘀而疏木半夏麥冬降逆而潤燥甘草人參
補中而培土茱萸生薑暖血而溫經也

溫經湯

百六十八

當歸

二兩

川芎

二兩

芍藥

二兩

阿膠

二兩

桂枝

二兩

丹皮

二兩

半夏

半斤

麥冬

一升

人參

二兩

甘草

二兩

生薑

二兩

吳茱萸

三兩

右十二味以水一斗煮取三升分溫三服亦主婦人少腹

寒久不受胎兼治崩中去血或月水來過多或至期不來

雜病九

帶下經水不利少腹滿痛經一月再見者土瓜根散主之

婦人帶下經水不利此以血瘀而不流也血瘀木陷不得升
達則少腹滿痛木陷風生經水疏泄則一月再見土瓜根散
桂枝芍藥 達木而清風土瓜根蠱蟲破瘀而行血也

土瓜根散 百六十九

土瓜根 三分 蠱蟲 三分 桂枝 三分 芍藥 三分

右四味 杵爲散酒服方寸七日三服陰癩腫亦主之

雜病

婦人經水閉不利藏堅癖不止中有乾血下白物磐石丸主之
婦人經水閉澁不利藏中堅癖不止中有乾血阻陰精之上

濟而下白物血瘀因於木陷木陷因於土濕濕土遏抑木氣
不達故經水不利木陷而生風疏泄失職藏中精液流溢故
下白物礬石丸礬石收濕淫而斂精液杏仁破滯氣而消痞
硬也

礬石丸 百七十

礬石 三分 杏仁 一分

右二味末之煉蜜和丸如棗核大內子藏中劇者再內之
雜病十一 吐瀉心痞二十七

婦人吐涎沫醫反下之心下卽痞當先治其吐涎沫小青龍湯

主之 方在痰飲 涎沫止乃治痞半夏瀉心湯主之 方在嘔吐

婦人時吐涎沫此正氣內格肺金不降津液凝滯而上溢也
醫反下之土敗胃逆濁氣填塞心下卽痞當先治其吐涎沫
以小青龍湯泄其積水涎沫卽止乃治其痞證濁陰痞塞陽
不根陰二火升炎下寒上熱半夏瀉心湯薑甘參棗溫補中
腕之虛寒芩連清泄上焦之鬱熱半夏降濁而消痞也

雜病十二 藏燥悲傷二十七

婦人藏燥悲傷欲哭象如神靈所作數欠伸甘麥大棗湯主之
肺屬金其氣燥其志悲其聲哭婦人藏燥則悲傷欲哭狀如
神靈所作不能自由蓋五行之氣升於九天之上則暢遂而
爲喜喜者心之志也陷於九地之下則幽淪而爲恐恐者腎

之志也方升未升喜之未遂則鬱勃而爲怒怒者肝之志也
方陷未陷恐之將作則淒涼而爲悲悲者肺之志也以厥陰
風木之氣善耗津血風動而耗肺津肺金枯燥故悲傷欲哭
欠者開口而呵氣伸者舉臂而舒筋陰陽之相引也日暮陽
降則生欠伸欠伸者陰引而下陽引而上未能剝降金主降
燥金欲降而腎又引之故數作欠伸甘麥大棗湯甘草培土
大棗滋乙木而息風小麥潤辛金而降燥也

甘麥大棗湯 百七十一

甘草 三兩 小麥 一斤 大棗 十二枚

右三味以水六升煮取三升溫分三服亦補脾氣

雜病十三 咽中炙礬二十九

婦人咽中如有炙礬半夏厚朴湯主之

濕土壅塞濁氣上逆血肉凝澁結而不消則咽中如有炙礬

半夏厚朴湯茯苓泄濕而消痰朴半薑蘇降逆而散滯也

半夏厚朴湯 百七十二

半夏 一升 厚朴 三兩 生薑 五兩 乾蘇葉 二兩 茯苓 四兩

右五味以水七升煮取四升分溫四服日三夜一服

雜病十四 腹中疾痛三十

婦人腹中諸疾痛當歸芍藥散王之 方在妊娠

婦人腹中諸疾痛無非風木之尅濕土氣滯血凝之病也當

歸芍藥散芍歸芍藥養肝血而行瘀苓澤白朮燥土氣而泄
溼與妊娠之腹痛無二法也

雜病十五

婦人腹中痛小建中湯主之 方在虛勞

婦人腹痛風木之尅土也小建中湯桂枝倍芍藥而加膠飴
泄風木而滋脾精也

雜病十六

血氣刺痛三十一

婦人六十二種風腹中血氣刺痛紅藍花酒主之

婦人六十二種風總因營血之瘀燥風木之失養也紅藍花
酒養血行瘀以達風木也

紅藍花酒

百七十三

紅藍花

一兩

以酒一大升煮減半頓服一半未止再服

雜病十七

水與血結三十一

婦人少腹滿如敦狀小便微難而不渴產後者此爲水與血俱結在血室也大黃甘遂湯主之

敦音對黍稷器盤類

婦人少腹脹滿其狀如敦小便微難而不渴病在生產之後者以水寒十濕乙木抑遏積久與瘀血俱結於血室故腹滿而候難大黃甘遂湯阿膠清風而潤木大黃甘遂下瘀血而行積水也

大黃甘遂湯

百七十四

大黃 四兩 阿膠 二兩 廿遂 二兩

右三味以水三升煮取一升頓服之其血當下

雜病十八

轉胞三十三

問曰婦人病飲食如故煩熱不得臥而反倚息者何也師曰此名轉胞不得溺也以胞系了戾故致此病但利小便則愈腎氣元主之 方在消渴

婦人病飲食如故煩熱不得臥寐而反倚物布息者此名轉胞不得溺也以胞系了戾迴轉故致此病此緣土濕水寒而木氣鬱燥不能疏泄也濕寒結滯溺孔凝澁不開胞滿而不出則氣鼓而系轉水溺不行濁氣莫泄肺氣逆升鬱而生熱

故煩熱倚息不得眠臥病不在胃是以飲食如故腎氣丸蒼
澤瀉水而燥濕丹桂疏木而達鬱地黃清風而潤燥附子暖
腎而消瘀山萸薯蕷斂肝氣而攝水也

雜病十九

胃氣下泄陰吹而正暄此穀氣之實也以猪膏髮煎導之

方在黃疸

胃中濁氣下泄前陰氣吹而正暄鳴此穀氣之實後竅結塞
而不通也猪膏髮煎猪膏亂髮利水而滑大腸泄濕而通膀胱
也

雜病二十 陰寒三十五

婦人陰寒溫陰中坐藥蛇床子散主之

婦人陰中寒冷腎肝之陽虛也宜以坐藥溫其陰中蛇床子散去寒濕而暖水木也

蛇床子散 百七十五

蛇床子

右一味末之以白粉少許和合相得如棗大綿裹內之自然溫

雜病二十一 陰瘡三十六

婦人妊娠產後雜病共計三十六証

少陰脉滑而數者陰中即生瘡陰中蝕瘡爛者狼牙湯洗之

手少陰脉動神門

在小指後掌下高骨間

足少陰脉動太谿

在足內踝後 此

少陰脉動尺中也尺脉滑而數者水寒土濕生氣不遂木鬱

於水而生下熱也前陰者腎肝之所司木鬱下熱陰中卽生瘡陰中瘡蝕肌肉潰爛者狼牙湯洗之其鬱熱也

狼牙湯

百七十六

狼牙

三兩

以水四升煮取半升以綿纏筋如繭浸湯漉

陰中日四遍

雜病二十二

婦人之病因虛積冷結氣爲諸經水斷絕至有歷年血寒積結胞門寒傷經絡凝堅在上嘔吐涎唾火成肺癰形體損分在中盤結繞臍寒疝或兩脇疼痛與臍相連或結熱中痛在關元脈數無瘡肌若魚鱗時着男子非正女身在孕未多經候不勻令

陰掣痛少腹惡寒或引腰脊下根氣衝急痛膝脛痛煩奄
忽眩冒狀如厥癰或有憂慘悲傷多嗔此皆帶下非有鬼神
則羸瘦脈虛多寒三十六病千變萬端審脈陰陽虛實緊弦行
其鍼藥治危得安其雖同病脈各異源子當辨記勿謂不然

婦人之病因於脾腎陽虛積冷結氣隧道阻塞血瘀木陷爲
諸經行斷絕不復流行至於歷年血寒積結胞門痞澀不消
此癥瘕之在下者若寒傷經絡血脈結澀則凝堅在上壅其
相火逆刑辛金嘔吐涎唾人成肺癰肌肉消滅形體損分此
癥瘕之在上者若在中盤結繞臍寒疝作痛或兩脇疼痛內
與藏氣相連此癥瘕之在中而純寒者或結熱於中痛在臍

下關元脉數無瘡肌膚甲錯枯若魚鱗熱結於內男女交合
熱淫傳染時着男子非止但在女身此癥瘕之在中而變熱
者凡此諸病起於腎肝在下未多往往經候參差遲速不勻

或令陰氣掣痛少腹惡寒或痛引腰脊下根氣街

氣街足陽明之動脈

在腿腹之交

又名氣衝

氣衝急痛膝脛疼煩奄忽眩冒狀如厥癩之疾

狂惑不清或有憂慘悲傷而多怒喚此皆帶下之疾使然非
有鬼神之憑附也蓋上中下三部一有氣血寒凝則阻格陰
精上濟之路下流而爲帶下血結精流血脉枯槁木氣不舒
故掣引作痛悅怒乖常从則身體羸瘦脉虛多寒而成勞傷
不起之證婦人妊娠產後雜病共計三十六病悉因此生及

其成病則千變萬端不可勝數醫家於此審脈之陰陽虛實
緊弦行其針藥於以治危得安其雖同爲一病而人之強弱
不一是以脈之陰陽各異源流子當辨記此說勿謂不然此
窮妊娠產後雜病之源而總結之